



Inatsisartunut ilaasortaq, Tillie Martinussen  
Samarbejdspartiet - Suleqatigiissitsisut

## **Billetsit akii pillugit § 37 naapertorlugu apeqquteqaammut 2018-251-imut akissut**

Asasara Tillie Martinussen

Apeqqutinut Inatsisartut Suleriaasianni § 37 naapertorlugu nassiussimasarnut, qujanaq. Apeqqutit matuma kinguliani ataasiakkaarlugit issuarneqarput, akissuteqaat kingornaniilluni.

04-10-2018  
Sullap nr.: 2018 - 19327  
Id. nr.: 33838941

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

### **Apeqqut 1. Nuna tamakkerlugu bilittit akii qanoq qaffassappat, mittarfissanut nutaanut aningaasaliissutit pissutigalugit, akileeqataasimangikkaanni?**

Akissut: Mittarfiit aamma billestit akiisa aningaasalersorneqarnerisa qanoq imminnut attuumassuteqarnerat oqaatiginiarneqarnerisooq paasinangilaq. Billestit akii assartuussinermut ingerlatseqatigiiffinnit aalajangersarneqartarput. Inuiaqatigiit Aningaasaqarnerannut sunniutaasussanik nalilersuinerimi Alloriarneq 2-mi naatsorsuinerit suliarineqarput, nutaamik ilusiliinerup malitsigisaanik billestit akii appassasut, taakkunani takutinneqarluni. Tamatumani nunap iluani timmisartuussinerni annertuunik sipaaruteqarnissaq pissutigalugu. Kalaallit Airports A/S-ip minnermi aallarnermilu akigititanik akiliisarnernillu appartitsisinnaassuseqarnera, ingerlatseqatigiiffiup akiitsunut pisussaaffigisaannut attuumassuteqarpoq, ilanngullugu qanoq ernialinnik taarsigassarsisoqarsinnaanersoq.

### **Apeqqut 2. Akit qaffassangippata taava kalaallit innuttaasut ataasiakkaat qanoq tapiissutinik akiliisariaqassappat akileraarutigut?**

Akissut: Mittarfinnik sanaartorerup malitsigisaanik akileraarutit qaffannissaannik, inuiaqatigiit aningaasaqarneranni naatsorsuineri, tikkuussisoqanngilaq. Killormulli naatsorsuinerit takutippaat piffissami angalaffiusumi aamma pisortat aningaasartuutaanni sipaaruteqartoqassasoq. Inuiaqatigiit aningaasaqarnerannut aamma nunap karsianut missingersuutini aningaasaqarnermut tamanna atuuppoq. Kisianni tunngavissat allat aamma ataatsimut katillugu naatsorsuinerimi atorneqartussaapput. Ilaatigut Kangerlussuarmi mittarfimmit mittarfinnut minnerusunut taperseeqatigiisitsisarneq nutaamik ilusiliinerimi atorunnaartussaavoq. Tamanna tunngavigalugu naatsorsuutigineqarpoq - Kangerlussuaq qulimiguulinnut mittarfittut imaluunniit mittarfittut 1500 meterit ingerlateqqinneqassanersoq apeqqutaalluni - Mittarfeqarfinni mittarfiit sinnerinut amigartooruteqarfiusartunut ukiumut 60-75 mio. koruuninik aningaasaliisoqartassasoq. Tamanna taamatuttaaq naatsorsuineri ilaatinneqarpoq. Annertunerusunik paasissutissanik piniarnermi inuiaqatigiit aningaasaqarneranni misissueqqissaarneq, Alloriarneq 2, innersuussutigineqarpoq.

**Apeqquut 3. Sunarpiaq pissutaava angalannerup ilusaata taama sukkatigisumik massakkut allanngortinniarneqarneranut?**

Akissut: Nunatsinni mittarfinni attaveqarnerup nutarterneqarnissaa, 1979-imi Nuummi mittarfik sananeqarmalli oqallisigineqalerpoq. Qulequtaq kingusinnerusukkut Assartuussineq pillugu Isumalioqatigiissitap isumaliutissiisutaani 2011-meersumi sammineqarpoq. Mittarfinnik annertusaanissaq sanaartornissarlu pillugu inatsisissatut siunnersuut maannakkut saqqummiunneqartoq, 2015-imi ukiaanerani ataatsimiinnermi oqaluuserisassani immikkoortoq 18 pillugu Inatsisartut aalajangiinerisa kinguneraa. Tamanna eqqarsaatigalugu angallannerup ilusaata sukkasuumik nutarterniarneqarnera pineqartoq isumaqanngilanga.

**Apeqquut 4. Naalakkersuisut sunik pilersaaruteqarpat angallavinni kiffartuussinermut isumaqatigiissuteqarfiusuni angallannerup allanngortinnissaanut?**

Akissut: Naalakkersuisut angallannerup ingerlaarnerinik allanngortitsinissamik pilersaaruteqanngillat. Tamanna mittarfiit nutaamik ilusiligaanerisa pissusissamisoortumik malitsigaa. Tamatuma saniatigut kiffartuunneqarnissamut isumaqatigiissutini ilaasut type-2-miittut aamma type-3-miittut pillugit Inuiaqatigiit aningaasaqarnerannut sunniutaasussanik nalilersuineq, Alloriarneq 2, innersuussutigissavara.

**Apeqquut 5. Naalakkersuisut pilersaaruteqarnerlutik kiffartuussinermut isumaqatigiissuteqarfiusuni angallannerup allanngortinnissaanut, allinissaanut imaluunniit millinissaanut?**

Akissut: Naalakkersuisut kiffartuunneqarnissamut isumaqatigiissutit mittarfiit ilusiligaanerannut, taamanikkussamut Inatsisartunit aalajangiunneqartumut, naleqqussarniarpaat. Assersuutigalugu angalasut Narsarsuarmukartussat Qaqortumukassapput. Taamaalilluni angalasut amerlanerit apuuffissaminnut toqqaannartumik apuutissallutik, kingunerissavaalu piffinnut assigiinngitsunut mittaqattaarnerit immakkullu angalanerit ikilisingaatsiarneqarneri. Tamanna aamma Inuiaqatigiit aningaasaqarnerannut sunniutaasussanik nalilersuineri, Alloriarneq 2-mi ilanngunneqarpoq, tulluarsaanerit ingerlanneqarnissaat, taamaammat taanna innersuussutigerusuppara.

**Apeqquut 6. Mittarfinni ingerlatsineq qanoq angitigisumik allissava, Nuummi mittarfik, imaluunniit Nuummi aamma Ilulissani mittarfiit, Ilulissani aamma Qaqortmi mittarfiit tallineqartuuppata immikkut ataatsimiinnermi imm. 21-mi allassimasut naapertorlugit mittarfiliortiternerit ingerlanneqartuuppata?**

Akissut: Tassani naatsorsuutigineqarpoq pisortat ingerlatsinermut aningaasartuutaat pineqartut. Inuiaqatigiit aningaasaqarnerannut sunniutaasussanik nalilersuineri alloriarneq 2-mi allassimavoq, maannakkut ilaasunut tunngavissat tamarmiusut allanngortitsinani siumut naatsorsorneri aallaavigalugu, ataatsimut isigalugu Kalaallit Airports A/S sinneqartooruteqartitsissasoq. Misissueqqissaarnermi sunniinerit ineriartortuartsinnaasut naatsorsuineri ilaatinneqanngillat. Suliassat patajaassuseqarnerat paasinarsisinniarlugu, allanngortitsinani misissueqqissaarnissaq eqqarsaatigineqarsimavoq.




**Apeqquut 7. Naalakkersuisut sunik pilersaaruteqarpat aaqqiissutit akikinnerpaat nassaariniaugit eqqarsaatigalugit: mittarfiit qallersorneri, qaartiterinerit, sulisartut, atortut il.il. atorneqartussat atlantiku qulaallu timmisartut mittarfiinik nutaanik sanaartornermi aamma mittarfinnik nutaanik sanaartornermi?**

Akissut: Naalakkersuisut Kalaallit Airports A/S mittarfinnik nutaanik taakkuninnga sanaartortussatut, piginnittuusussatut ingerlatsisussatullu, pilersippaat. Kalaallit Airports A/S-ip sapinngisamik pitsaanerpaanik neqerooruteqartoqarnissaa qulakkeerniarlugu, sanaartornermik suliasat nunani tamalaani neqeroortitsivigineqarnissaat piareersarpaa. Qulequttat matuma siuliani taaneqartut iliuuseqarfiginissaannut pikkorissuseqartumik aaqqissuussaaneermik pilersitsinissaq, eqqarsaatigineqarsimavoq.

Neriutigaara matuma siulianiittuni apeqquutitit akineqarsimassasut.

Inussiarnersumik inuulluaqquusillunga

  
Simon Simonsen